



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Kurtzes Handtbüchlein/ vnd Experiment/ vieler Artzneyen/
durch den gantzen Körper des Menschens/ von dem
Haupt biß auff die Füß**

Ryff, Walther Hermann

Straßburg, Anno M.DC.XIV.

Zu dem Mundt.

urn:nbn:de:hbz:466:1-43769

Von allerhand Arhney/

Das sie kalt weeden darnach fuhren den Aranccken in ein Keller vñ zeuch ihn nackent auß/ vnd bluret ihm das rechte Nasloch/ so leg ihm ein stein auff die rechte seit/ auff die Leber/ oder auff die lincke/ bluret ihm das lincke Nasloch/ vnd schlag ihm ein dach vber die Stirn/ in Essig genezt.

Acacia gemischt mit Weggrassafft/ vnd in die Nasen gethan.

Coriander gebeyt in Essig/ vnd Weggrassafft/ ist gut für das bluten der Nasen.

Blutstein in die Hand genommen/ verstillt das Blut.

Gallspffel mit Täsdenkraut safft oder Weggrass gemischer vnd in die Nasen gethan.

Mumia gemischer mit Wein/ vnd den gedruncken/ verstillt das bluten der Nasen.

Weyhrauch/ Gallspffel gemischer mit Lauchsafft/ vnd in die Nasen gethan/ verstillt das bluten.

Wadenblätter puluer gedruncken mit Essig/ verstillt das bluten der Nasen.

Cap. viij. Zu dem Mund.

So ein Mensch seer ist/ oder Blateren

hat in dem Mund/ oder ein zerspalinen

Leffzen.

Sie schärpffe ihm sänsfrig mit Rosenöl/ oder Violöl/ darnach heile es mit der weissen Salb von Bleyweiß vnd Rosenöl gemacht.

Item ein gut pflaster zu heilen die spalte der Leffzen. Nimb Terpentin/ Honig/ Mastix/ Jasp/ Gumle/ jedes gleich viel/ mach ein pflaster darauß/ vñ legts vber.

Item ein anders/ Nimb Gallspffel/ Bleyweiß/ jedes 2. loht/ Tragantum/ Braßmal/ jedes ein loht/ das reupate mit Sennenschmalz/ vnd brauchts.

So die spalte huzig vñ scharpff seind/ vñ sehr schwa-
ren/

Das Erste Buch.

xxiij

Nimb Bleyweiß/ Silberglantz/ Bleyäsch/ Bilsensöl/ Wachs/ Rosenöl/ jedes gleich viel/ darauff mach ein Salb/ vnd brauchts.

Item den safft von dem sauren Klee/ Guckganchslauch genandt/ daran gestrichen/ heilet alle Blattern vnd Schrunden.

Chamillen gesotten in Wasser/ vnd den Mund damit gewaschen/ heilet die Geschwâr darin.

Hundszungen Kraut vnd wurzel gesotten in Wasser/ vnd den Mund damit gewaschen/ heilet alle Seerigkeit vnd Blattern.

Den safft von Benedicten Kraut vnd wurzel/ gestrichen auff die Leffzen die blatterich seind/ oder seer/ heilet die beyde.

Eisenkraut gesotten in Wein/ vñ damit gewaschen den Mund/ heilet die Blattern.

Gelbviol safft mit Honig vermischet/ vnd den Mund damit gewaschen/ heilet die Blattern.

So einer ein fâulung hat in dem Mund am Zanfleisch.

Nimb Rosen/ Tormentill/ jedes ein loht/ seud das in gutem Wein/ vnd wâsch das Zanfleisch damit/ du magst wol Rosenhonig darzu thun.

Item ist das Zanfleisch hart geschwollen/ so laß Tresselwurz sieden in Wein/ vnd wâsche dich damit/ so heilet es.

Holzwerk gepulvert/ vnd mit Honig gemischet/ vñ damit gewaschen/ oder das Zanfleisch geriben/ heilet die fâulung.

Alaun zerlassen in Essig/ vnd den Mund damit gewaschen/ heilet die fâulung.

Braunellenkraut gesotte in Wein/ vnd damit gewaschen den Mund/ heilet ihn.

Süßfingerkraut gepulvert/ vñ gemischet mit Honig

D

Von allerhand Arzney/
nig/ damit gewaschen das Zanfleisch vnd den Mund/
heilet ihn.

Breiten Wegerich safft in dem Mund gehalten/ be-
nimpt die fäulung darin.

Merherich geloffen vnd gemengt mit Honig/ vnd
den Mund damit geriben/ heilet ihn.

Senfflamen/ mit Honig gemischer vnd den Mund
damit geriben/ heilet ihn.

Ibüchwurzel gesotten in Essig/ vnd damit das
Zanfleisch geriben/ benimpt den schmerzen.

Item den Mund gewaschen mit Wasser/ darinn
gesotten ist schwarze Triefwurcz/ nimpt das faul fleisch
von den Zänen/ vnd rödret die Wärm der Zän.

Massiv vnd Wehrauch gemischer mit Honig/ vnd
damit geriben das Zanfleisch/ benimpt ihnen die fäu-
lung darinnen.

Item den Essig von Squilla/ in dem Mund gehal-
ten/ heilen/ heilet ihn.

Hop gesotten in Wasser vnd Honig/ damit gewä-
schen das Zanfleisch/ heilet es.

Cap. viij. Von den Zänen.

So ein Mensch grossen schmerzen vnd
wehetagen hat/ an den Zänen.

Ist der schmerz der Zän von Hitze/ so salbe den
Buck mit der Salb Populeon/ oder Rosenöl/
vñ gib ihm in den Mund Endwien oder Bur-
zelsafft/ oder Pappellen wurzel in Wasser ge-
sotten/ mit Rosenöl/ Gallspffel vnd Myrthenbletter
vnd das in den Mund genommen.

Item ein andere gute Arzney/ Nimb Cortander-
samen/ Burzel/ Sumach/ geschälte Linsen/ gelben
Sandel/ Bertram/ Gampher/ Acaris/ jeder Wächlin
nimb eins/ vnd zerreibs mit Rosenwasser/ streichs an
die Zän/ das hilfft gar bald.

Schlehen